

جریدہ علیہ

مشخت جلد اسلامیک جریده رسمیه

۳۰ جمادی الاولی ۱۳۳۸

عدد ۵۴

اون بش کونده بر نشر اولنور

بشخی

بوسنه لی اسلام هیئت مبعوثه سنک شیخ الاسلام افندی

حضر تریله ملاقاتی

بوسنه لی اسلام هیئت مبعوثه سنی تشکیل ایدن ابراهیم افندی صاریچ، شکری افندی قورتوویچ، مصطفی افندی قولینویچ، دوقنور محمد باشیچ افندیلر کچن کون شیخ الاسلام افندی حضر تریلی زیارت ایدرک برچوق سؤاللر ایراد ایتشلر وجوابلری آتشلردر . ازجمله اسلامک مانع ترقی اولدیغنه وملت مسئله لرینه دأثر اولان برقاچ سؤال وجوابی نقل ایدیورز :

س — بز اسلاملر اوروپا مدیتندن استفاده ایتمه کندمزی مجبور کوربورز. حالبوکه بعضلرمز اسلامی بویه بر استفاده مایع عدایدیور...

ج — اسلامیت هیچ بروقت مدیت حقیقیه مانع اولماز واولماشدر . مهبدن لحده قدر سعی و عملی ، علم و معرفتک لزوم تملایی ، صناعی ، فلاحی ، زراعتی ، تجارتی وکره ارضک هر طرفنده سیاحت اقتصادی و تجاریه بی ، ومعاصر اقوامک متوسل اولدینی هر درلو اسباب مشروعه و نافعیه بالمقابله تشبثی مسلمانلره امر و واجب قیلمش اولان اسلامیتدر .

بعض مدققین حکمای اسلامیة نصوص موجوده ک احکام علمیه سنه نظراً انسانلری (۱) ارباب صنعت ، (۲) اهل زراعت ، (۳) تجار ، (۴) اصحاب حل و عقد نامیه درت صنفه تقسیم ایدیور و بو درت صنفک خارجنده قالان انسانلری طائفه عدایدیور ، یعنی حیات معیشتری اصناف اربعه رجالک سماحت و عنایتنه معلق طوتیور ، آلات و ادوات لازمه ک اعمالنده کی اهمیت و لزومه مبنی ارباب صنایع برنجی ، بو آلات و ادواتک تطبیقی ایله استفاده نقطه سنده کی خدمته نظراً زراعی ایکنجی ، بو ایکی صنفک مستحصلاتک امر مبادله سنده کی خدماتدن طولای تجارتی اوچنجی ، بو اوچ صنف منتسبینک موفقیتلری تأمین و آسایش وانتظام عامه بی تقریر و تشبیه خادم قوانین وجوده کتیرمکده اولدقلرندن طولای اصحاب حل و عقدی دردنچی صنف اولمق اوزره قید ایدیورلر . حضرت عمر تجارتک قد سیتی نظر اعتباره آلهرق اخذ و اعطا محلی اولان چارشوده انفاص معدوده حیاتی اکاله موفق اولسنه عنایت

بیورمسنی جناب حقن تمنی ایتشدر . بوقدر مزایای عالییهی جامع اولان بر دین مین هیچ روقت ترقیه مانع اولماز .

س — اسلامیت قومشولری بولندیغمز خرستیان اقوام و حکومتلرله حسن معاشرته مانعیدر ؟

ج — اسلامیت مزایای عالیه سندن بری ده قومشولرینه حرمت ورعایتدر . اسلاملره قارشو خیر خواهانه مقابله ده بولنانلره حرمت ورعایت وظیفه مزدر . حضرت پیغمبرله اصحاب کرامک اووقتلر دخی خرستیان اولان حبشستان حکمداری ایله اهاالسنه اولان حرمت ورعایتی ، مناسبات سیاسیه لری معلومدر . حتی اصحاب کرامدن بعضیلری اسباب معلومه یه مبنی حبشستانه هجرته مجبور اوله رق حبشستاندن جدا حمایه وصحابته مظهر اولدیلر .

س — یوغو — اسلاو عرقنه منسوب بولندیغمز جهتله ملیت ایجابی اوله رق بعض خرستیان حکومتلرله برلشمه مزه دیناً مانع وارمیدر ؟

ج — احکام اسلامیه ده ملیت وعناصر مسئله سی موضوع بحث اوله ماز . اسلاو اولمقدن اول اسلام اولدیغکنزی بیلمکنز لازمدر . اسلامیت دینی ودنیوی منافی حکیمانه بر صورتده مزج وتلفیق موفق اولمش بر دین عالی اولدیغندن ناشی هرشیده دستور حرکت اتخاذ ایتمک لازم کلن اساس منافع اسلامیه در . مع مافیه بوسؤالکنزده محتاج ایضاح مبهم بعض نقاطه تصادف ایتمکده اولدیغمدن طولای حقیقی مقصدکنز هر نه دن عبارت ایسه سؤاللرکنزی اوصورتله ترتیب ایدر ولایمکن جوابلری آله بیلیرسکنز .

